

## Risposta a sos indovinzos

Ammentamos a tottugantos sos lettores de " Logos " ch'in su numeru de s'annu passau sun'istaos pubblicaos parizzos indovinzos.

Paret zustu e puru doverosu de nde fagher connoscher s'isorbidorzu pro onniunu.

SA CUBA - SA PUDDA E SAS PUDDIGHINAS - SA PATATA

Suni sas rispostas po sos primos tres.

Po su quartu nde ogamos a campu sa sustanzia cun custas pagas sestinas.

*Cand'Antoni salutad sos amigos  
"Bos lasso - narat - si non forra forra  
e deus chetai, si forra non forra ",  
lassando tottugantos cun obligos,  
timoratos chi regiret cust'amigu  
e bisonti de repente su meigu.*

*Est ladinu s'arcanu a l'esplicare,  
custu naro e l'affirmo sena buas;  
sas rispostas seguru sunu duas  
e pront'est sa cungrega a l'isettare.  
Sa dimanda est precisa, bene nada  
e risposta nde damos goi fromada.*

*Imbisitat Antoni sa muzere  
isposa sagrada verdadera,  
chi paghe bramai cun bona manera  
essendo for'e par'in dispiacere.  
Abbundat intre coro su dolore  
e sanare lu cheret cun s'amare.*

*Si pubiddu e muzere in paghe torran  
sos amigos Antoni lassat e non torrat;  
ma sos amigos non lassat e torrat,  
si ancora burdellan e s'iscorran.  
Chistiones nde suzzedin dogni die,  
cun beffas, cun piantos, rie-rie.*

### *Indivinzu 'e och'annu*

*Si de ua s'attatat e consolad  
sos amantes sena fune atrogat  
e tottugantos a ferra los imbolat  
samben nd'ogat  
pustis chi da-e s'intragna.*

